



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Flauius Cherubinus n. 47

urn:nbn:de:hbz:466:1-38486

*Singularis
de Societa-
te eiusque
Collegij
existima-
tio.*

45. * AB ALFONSO RAMIREZ DE VERGARA Canonicus Magistrali Ecclesiae Conchenensis viro grauissimo, primoque Parente ac protectore Collegij nostri Complutensis : is aliquando dixisse fertur, se pluris facere vel coqui Societatis amicum esse, quam Principis Hispaniae Magistrum. Et de tali creando tunc agebatur. Et cum etiam idem Archiepiscopus Toletanus eligi vulgaretur, dixit, si mihi talis Archiepiscopatus concederetur, non nisi per quatuor annos eum admirerem, in quibus quadraginta instituerem Societatis Collegia. Excessus ingentis amoris hic est. Sic refertur à P. Petro Saens in sermone funeral. de Eod. fol. 9. & 13. typis edito Compluti ann. 1621.

*Ab illa in-
gentes fra-
etus Eccle-
sie subse-
cuti.*

46. A IOAN. BAPT. CONFETTIO Protonotario Apostolico Florentino, Theologie ac vtriusque iuri Doctor notissimo in Summario ad Collectan. litterar. Apostolicar. de Societate loquens, sic scribit. Ex qua quidem Veneranda Sodalitate, quæ & quanta suborta sit Ecclesiæ Catholicæ vtilitas, præclara monumenta pietatis, & eruditionis per totum fere Orbem relicta, nec non tot insignia Archigymnasia, in quibus & moribus, & doctrinæ hominum adeo consulitur, vt nulla regio hodie eorum laboris inscia sit, & etiam barbaræ illæ Nationes, quæ in India Occidentali, & Brasiliæ regione, ac noui Orbis Insulis ad veritatis lucem, eorum opera eductæ, totque infideles per eos baptizati, hæresisque Germaniæ maiori ex parte concusse, & longe à nostro Orbe remoti Principes ad Sanctorum pedum oscula summi Pontificis perducti, apertissimè testantur. Vnde Ecclesia ob assiduos labores, innumeraque pericula, quæ in publicum intrepide subierunt, istius Sodalitij professores inter Mendicantium Ordines referre, eosque quamplurimis, dignissimisque Priuilegijs decorare, & illustres reddere merito arbitrata est, &c. Hæc apud Sorbo Tom. 2. Privil. Ordin. Mend. fol. 212.

*Ex Gymna-
fis barba-
rorum, re-
ductione, &
Hæretico-
rum oppu-
gnatione.*

47. A FLAVIO CHERVBINO Iuris vtriusque Doctor sanguinis virtutibus, pientissimo in Compendio Bullarum summorum Pontificum fol. 229. & Atleta Schol. 1. Pic (inquit) credendum illustrem genere virum Hispanum

Ispanum (*Ignatium*) virtutibus insignem, vnâ cum strenuis-
simis Socijs tanquam fortissimum Athletam promouisse, vt
sponsam suam Ecclesiam aduersus iniquum Martinum Lu-
therum, eiusque sequaces infestis eam hæresibus afflictantes,
Christi fideles à pœnitentia, Sacramentorum frequentatione
& Summi Pontificis Romani obedientia auertentes restau-
raret, pœnitentiam prædicando, frequentiam Sacramento-
rum inducendo, & Summi Pontificis obedientiam præ-
fertim circa Missiones ad Turcas, & alios infideles profiten-
do, &c.

48. AB HIERON. ORMACHEA GVERRERO Ecclesiarum Ille natus
Lucronensis, & Albendensis Canonico Magistrali scriptoreque eru- ad bonum
dito. Tom. 1. in Cant. Prolog. 3. num. 192. ubi postquam probauit Vniuersale
Ignatium velut alterum Paulum ad bonum Vniuersale totius Orbis, totius Ec-
clesie. Et ad fun-
daudam
Religionem
illustriſſi-
mam.

totius Ecclesiæ, Gentilitatis Indicæ, ad hæreses expugnandas, & Re-
ligionem Illuſtrissimam Societatis IESV in lucem edendam, natum; ſla-
tim num. 193. ſubiungit. Praeter alios insignes scopos, quos di-
uina collineauit sapientia in Ignatij Sanctissimi Ortu, & So-
cietatis IESV fundatione hic fuit, vt tam ipſe, quam ipsius filij
in hoc ſeculo, atque tempeſtate piam de Beatissimæ MARIÆ
Immaculata Conceptione ſententiam promouerent, ſcribe-
rent, prædicarent; imposſibile erit omnino ad calculos reuo-
care ſcriptores doctissimo s, qui intra huius non dum cente-
narij ſpatium varios, de Conceptione, aut libros integros, aut
iustos edidere Tractatus, &c. Et poſtea Cap. 6. num. 64. Non
poſſum (inquit) non Sanctissimam Societatis IESV Religio-
nem admirari in hoc mutui amoris compage præſtantem.
Multa habet hæc Religio insignis encomia, ſed ob hanc vir-
tutem debet ab omnibus pene adorari; verè operibus & no-
mine Societas colligata, ita ut in vnoquoque ipſius Religioſo
omnem Societatem, & in tota Societate vnumquemque co-
gaſcas: Ex hoc mutuo inter ipſos amore tanquam ex fon-
te, & in Sanctitate profectus, & copioſa omni genere lite-
rarum ſcaturigo manauit. Si vnum ſolummodo Iefuitam vi-

Fff disti,